

Giuvènils tgiran e mantegnan il gaud da muntogna

Jobs da stad raschunaivels grazia a la BCG ed al Project en favur dal gaud da muntogna

Cuira, ils 9 d'avust 2019 – Durant quatter emnas èn 60 giuvènils s'engaschads a Cuira, Glion, Clastra e Bravuogn en favur dal gaud da muntogna. Quests jobs da stad ha offert la Banca Chantunala Grischuna (BCG) ensemen cun la Fundaziun Project en favur dal gaud da muntogna.

L'ultima da totalmain quatter emnas da [project en il gaud da muntogna](#), pussibilitadas da la BCG, va a fin questa saira a Bravuogn per 14 giuvènils. Cun il sustegn da spezialists han ils giuvènils voluntaris prestà ina contribuziun preziusa en favur dal gaud da muntogna indigen. Al di da medias dad oz venderdi han infurmà Alexander Villiger, manader dal persunal da la BCG, Martin Kreiliger, manader da fatschenta dal Project en favur dal gaud da muntogna, sco era Luzi C. Schutz, president communal da Bravuogn Filisur, davart ils avantatgs da questas emnas da project per la banca e per las vischnancas partecipadas.

Guants da lavur empè da chautschas da bogn

La BCG ha offert a giuvènils per la settavla giada in engaschament en il gaud da muntogna durant las vacanzas da stad. Var 120 giuvènils eran s'annunziads per in job da stad a Cuira, Glion, Clastra e Bravuogn. «Jobs da stad raschunaivels èn ozendi rars. Cun il Project en favur dal gaud da muntogna, sustegnì da la BCG, purschain nus als giuvènils experienschas grondiusas ed ina pussaivladad da gudogn durant las vacanzas da stad. A medem temp ans engaschain nus sco banca en favur da la natira e da l'ambient», di Alexander Villiger.

Il gaud da muntogna fascinescha

In gaud da muntogna intact protegia da privels da la natira ed è in spazi da viver per numerusas spezias d'animals e da plantas. «Durant lur engaschament emprendan ils giuvènils ad enconuscher l'ecosistem fascinant dal gaud da muntogna», di Martin Kreiliger. Las mattas ed ils mats grischuns en la vegliadetgna da 15 fin 19 onns han construi sendas per inspeziuns e saivs cunter donns da rusignar, han fatg lavurs da tgira ed han gidà a cumbatter las neofitas.

Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 999 collavuraturas e collavurats (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestral preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2019:	7 da favrer 2020
Radunanza dals participants:	25 d'avrigl 2020